讀

書

写言

疑

**逐故於學制之異同樂章之沿革以及喪紀之等差衾旨** 宋諸大家詩文之得失古今音韻之變更有所見輒記之 中丞刻之於閩中因原書漫漶寄樾校定并屬并言於簡 生有焉名日記疑實所以祛干載之疑也其族元孫補帆 傳莫得其詳先生探賾索隱因端竟委為兩漢廟制存其 區其類而錄之實事求是細入無間而三禮之學尤爲精 揚雄氏法言爲比何義門先生譏其不類若以先生此書 乙制度厯厯言之如示諸掌兩漢宗廟之禮畧見韋元成 **劄記之書也凡九經諸子之義蘊歷代史學之事變度** 、畧以補班范之所未備昌黎云補苴罅漏張皇幽眇先 田先生篤志經史譔述甚富讀書記疑士 一讓陋何足序先生之書哉昔袁桷序困學紀聞

比沒儀王氏之書庶幾其類乎先生訓子詩有日讀書者 **刻以行世推先生所得之益以益後人其益更無窮矣樾 晋者覽者勿以爲僭同治十有一年九月後學德淸俞樾** 口其益無窮此書之作正其讀書考古而有得者今補帆 與校讎之役卒業是編輒撮舉大旨以告世之讀先生

	左傳	禮記	卷之四	禮記	卷之三	毛詩	尚書	卷之二	周易	卷之一	<b>穹雁王</b>	讀書記疑日錄
							•				一愁竑予中甫著	鄒
											A	
; ;												

بهدوي بالجاز

北史	卷之九	南史	卷之八	史	卷之七	史	卷之二ハ	音韻考	卷之五	孟子	論語	
											*	

	北史存校	卷之十四	南史存校	卷之十三	後漢書存校	<u> </u>	有子存校	莊子存校	國語存校	卷之十一	北史	卷之十
					•							
; ;	:			, :								*

<b>寶</b> 臨川集	<b>適</b> 南 豊 集	讀願演集	讀系坡集	讀老泉集	調爐凌集	讀河東集	讀目黎集	讀杜工部集	卷之十六	北史存校	卷六十五	

秦禁學易爲卜筮之書獨不禁是易固全書 書藝文志秦燔書而 周易 寶應王懋竑予中甫 記疑卷之 衡始云孝宣皇帝時河丙 篇奏之此劉歆班固所未言恐傳聞 女子得之葢本王充之 **签獨存漢興諸儒傳授不絕宜其完整異** 以漢 據矣馬貴與文獻通考序易本隋志語 載其說 法正 之 隋經籍志 小筮 |誤而說卦三篇 女子發老屋 云秦後惟 者 當缺 得逸 儒林 叉與充 易禮 也 僔

梁 郡 中頗 之也連 別 第更復活亂其與焚而復出之經固無以大異 有六 經 相傳之旨不大白於後世漢魏諸儒皆 涡 兩漢諸儒皆無相傳確說後人各以意推言之耳 有疑義序卦雜卦尤難晓解自費直鄭康成以後 易今不可見王韓之注於象數愈闊畧其使商 اآا 一四則已傳自夏商非始於文王 出於周易者然未嘗 四 以今考之則固不然伏羲畫八卦 所繋 卦史遷以爲文王而 以周易筮之者 臧 共名 而爻辭所稱多文王後事故 見於周官 **所舉皆今象炎之辭其他醫** 指言 據周官三易經卦皆 而春秋 以連 山筮之以歸 與有 也卦爻之 以 爲 周 責焉 也施 則無力 辭

義因之按今註 範 象傳之 陽董 之易途 之卦 乾 吉 詳註之而亦未言 知從何得之俟 爲彖爻下之辭爲象而 氏云哇畫 則似 等 不 筮最詳則商以上固自有書但後周易傳 調文 自不 朱氏始 不與經連 可考耳 以爲羲皇之所題矣 疏 知 下肠害上 卦 本 间 疑其誤東萊呂氏復 止証 攷 辭周公爻辭孔子彖辭象辭 至鄭氏移置各卦六畫之 出 於 所 題正 何 1 下兩體 兩體卦 也臨川言此 義釋文集解皆無法 名 不云何 古周易 始於費氏分 一義皇乾 繁離 朱 而前 汪 掛 獨

周公縣炎鄰若初九九二 壯言之至觀 中家後僅載數語 其名仍王弼之舊呂氏乃盡正之大全俱削不載 1 剣最 抵此類皆不可考本義亦槪言之未能以決也 註云於此發之而聖 可爲典要 月消息之卦乾坤不言而於泰否剝復夬姤臨遯大 為分明復夬姤 좕 取 則別爲一義是文王之自變其例也爻辭 則通指卦灸所繫之辭而文言指經文之言 消長之義是周公之自變其例也故 但異其名耳晁以道呂汲公雖復古易 卷 **又誤以為陸氏德明語其疎繆如** 則雜言之至臨遯大壯則 人因繫之辭則似 |等不知亦周公所名否本義 非周公所名矣 於 此 文言 以

**新** 陽 對 陰 於 反 聖人之貴 對 小畜皆 此 地 「爲陰之主師日以衆 次乾 而履之三又不能以 八卦 於 陽 坤坎 陽爲 经 與 不盡 丽 惟 同 賤 於 、於履 離 亦 陰 陰 取 同 ifij 卦 如 也 此義此 反對之義 頤大過中孚小 統五 姤同 並言之其實卽六十 此 陰 於小畜 所謂 有 陽 人履 陽 大有言之蓋舉其 皆不 也都 衆陽蓋 比 故彖傳特 佳 過 取此義爻辭 子 畓 下順從 可爲典 八卦 非特 大有 陽 三十六宮 明之 爲 舉 要 其 也 例 對

先 浸長取義 相 一則云 說 在若 義漸家女歸 週品 陽臨四陰取義而爻辭於 业 看岩 選非孔子之說 不善 同者 \*家爾 聖 此象 物咸章也於 咥 工其揆 乾 ij īII) 前 教 周公作灸衛而 初炎辭 以孔子之說為卽文王之說及豈可以文王 妣 象傳交言皆 小畜家密 傳於 吉而六炎無女歸之義履象不咥人 元亨利貞與諸 也 亦云逃咸家取女吉而六爻無取 歸妹則日天地之大義人之終始 姤 平 而發明至理 雲不 則 以 回 解 雨 上四爻亦皆云臨逐 **炎**辭有與彖辭不同者 刚 遇 釋家炎之辭 前 中 各有不同 九則 JE 例 天下 云 彖傳文言 旣 如 而亦有 雨其 姤歸 行 以二 也 與 臨 而 天地 妹 不 陰 也 同

德 佳 發 **多而語** 名聞 釋之 此炎 義 祉 也 虚點當 亦有與卦 句問時別 別 攸 發 爲 五 此 弗 終本 婦 利 亂 人吉 卷 取 損 핡 義 辭 極 凶 克 是 也 双師 言 而 同 益 好語 卦: 同 始 而 別發 者 辭 无 則 則云 如 凶 傳 成 而 發明自 爲 蒙當指蒙者 本 们 損 後 亨歸 損 倛 有終文言 不相妨 A 與彖辭 益 妹 必 四 遇 本言 亂 ffij 此 則 地道 有 佳 小人 斪 則 邦 爲 辭 台 不 凶 也 善 益 則 亦 可 丽 p 别 ifii

趔 <u>HJ</u> 序非程 親 좕 ዜ<u>ታ</u>ር የ 桂 u 又 āĒ 寫 受業於 按韓 以與文 居 分理與道 據 則觀 氏 嗣 弼 伯字康 謂 等 미 鹏 其象 爲 王周公異也 只註六十 伏羲重卦未有名文王始名之 以爲伏 孤 後來皆承其 伯 要惟 ൬ 一與程 東晋 玩 羲 其解 至 變所適 疎矣至云未形未見者不 四 種 卦繁辭 孔子蓋已自發 八共云 名不 語不類太極者道 誤 動 則觀 业 則 門 說卦序卦 周公所以與文 吉 萬 其變 何 **冰**統 也 其 前 疑 雜卦 玩其 此 例矣 亦是 義謂 也兩儀 以意 道 占 伏 門 則 異 康

見啓蒙則本義後有修改其成書當在啓蒙之後矣李氏 貽誤後學不可不辨 子年譜易本義成於湻熙丁酉啓蒙成於湻 凡十年按本義繫辭上傳第九章汪云其可指者啓蒙 **莪云揲蓍以求灸而啓蒙云坤求於乾乾求於坤:** 子說及自為之說則甚詳震 刺與易傳序迥然各 章汪云詳見序例啓蒙又云河圖洛書詳 啓蒙成於乙巳丙午之閒當據以正年 子作俱不載伊川文集後人妄增入之 卷 以下本義云所推事位之說多未詳者 |篇載於易傳之前明初大全因而 别 斷 五 索巽一索等 子作 熙丙午相 譜

得 改 不 同 異難! 之説 免有 崇憲云鄙說當 義成書在 也 此本義啓蒙之所 而未成也 可曉疑朱子於此亦 此 腦語答孫自 模 豈 兌則又與啓蒙不同卦 一說卦 印有 主於 啓蒙 然 誤 仍舊 而云乾 選動 崩 之後文 觀覽啓蒙自今觀 修云易傳初未成書故 以作也然 肿肿抄出 本未及 有 探著之法嘗有 求 集 於 未盡治於心者故於本義 收 坤 可考答鄭仲 位之 **疎畧未成文字答劉** 本義未能成書而爲 而 耶 抑別 得 說文集 而私 之 震 有 如 坎 書名 か別 禮 居 說 艮 語 <u>,</u> 坤 那 河 不敢出近 語錄 人寫 嘗 錄 求 日啓蒙 格書 於乾 3 粗 以 箏 君

能無 朱子文集答王子合書康節說伏 位本在北 曾穿鑿故不曾深留意按此書不著歲 為早年未定之論其前 印時言之固 誤宜矣 見其理之當然者而繫之辭教人變易從道之 成書歲月此 來之論 **文王重卦時更定** 此書蓋未 據此則 不 誤 卷 顯然可考而參錯 同計必在癸巳甲午以前也朱子明 本義修改直至暮 别此 而 李序云成於乙 深考後 一條謂聖人作 , de . 此位其說甚長 義八卦乾 B 年方成年譜以竊 丙午之閒 易則因 義 月其時 此則其 位 云易傳 其爻象 機近 他 可 亦未 考疑 於 附

陽居 乎四之 不異叉日河圖七八連於左九六連於右皆爲十五生 位 三之外少陽之七卻居乎二之外是少陰 三五連於左爲九二四連於右爲六九六之合亦爲 與十相守於中亦為十五洛書縱橫數之皆十五 老陽之位 九六此兩條見天台董氏本考文集語錄皆無 少陰之位二少陽之位三而 外而老陰之六卻居乎一之外是老陰老陽互 與九對一 泂 七太陰居四而 其亦誤矣 四 面 與八對三與七對 老陰之位四今河圖以老陽之九 居 連六數與位合爲十也洛書 丽 連九 河 少陰居二而連八少 四與六對亦 圖 與河 藏

也 藏其宅 陰位陰 兌得其位故乾寫九而兌為 四為 數 位 日以四象觀之 之位居 數 七爲少陽之數三 則七 居陽位亦 老陰之位九爲老陽之數此固二老之合然 為四今析六七八九之台以爲乾 也此二條亦見天台董 則二少之合然亦陽居陰位陰居陽位亦二 加 震得共位 太陽之位居 數 老互藏其宅也二七爲朋二 |八同道三爲少陽之位八爲 一故離爲 老 坤得其數 陽 異得其位 之位 一少陰之位居一 氏本文集語錄皆 八而震爲二少陽之 一而數則九乾得其數 故坎為 為老陰之數 艮得其 而 位 爲 數 位 陽

四 也 I 陰生 圖 坤位 監乾在 是 之 比 位 也 邵子震始交陰 此 别 載 依 始交陰 陰 南 氏本 董 條 法 丰 書出 毗 象焉 氏 2 在 入朱子 傳義 聚為 北方 以 三四之次以爲震兌巽艮 而 卷 天台董本鄱 朱子語 灭 多此 国 語 不 乾 陽 加 言 坤在南 中大 陽 典 丰 陰 也 生 **所出易說語錄皆** 類 圖 全因 陽本 條云 方圖 異與乾接是異始 已 象天 陽 所 乾 埘 ン 釋 各 此 亦 之 象 在 事 條是 故 順 北乾位 雜書之翻 地 不 多誤 類 有 載 認 而 巡 逆 丽 無 無 流 陽畫之 補 聚 陽董 之當 也亦 行 順定 捎 圖 四 中 震 隅 陽 恐 有 與 更 而

促中起 物萬化皆從這裏流出憂淵 柔地道承天而行 入朱子 以成耳此兩條按啓蒙逆釋此玉齋所釋語而大全誤 在天者 剛震離兌乾爲天之 傳饒錄序 本始載此語蓋天台之所增 而靜囿乎天中圓圖 也 也句按此句無義非朱子語文集語 圓圖象天 逆 文昭本傳之說文昭言乾坤之用三於誠 云暑淵所錄 順卦氣所以運 以 陽地之剛巽坎艮坤爲天之陰 天圓 地 之柔 者天道之陰 而動包 一編與本義異者十之二 、剛應 錄 丽 在地者惟王乎逆 語大全續增是 鄱 乎地外方 天之陰 陽誤 陽方圖者 錄 陽同 因之耳 皆無之 圖象 地道 心法皆 一排畫 地 理 inj

山名 道 胡 離 而考之語錄董 說 舜臣字子思文昭當是其謚 丙 也貫之昆弟號為賢者 誠 取 因問或云先生許其說乾 學易編序云先君子之說類 中此條稍是但渠只是 **主於誠** 卦 敬 畫 一公之論 固 |卦之意求之晦菴兼自 明 是且 叔重所錄則 相表裏耳按二公皆隆 世未有 **内便說是誠** 顧 相反雖欲尊其父 逼其義者 以乾卦 坤二 云 應有此 也 問李子思易 二公之 卦本於 多與晦菴合 鉄云恐渠 生獨 稱 人命炎之 不當 誠敬 李氏

說乾坤如何日其說乾坤二卦本於誠敬就其說中此條 **後來建別錄蜀類嵌續類皆有增加或自其原本錄入耳** 載此語池刻原有删削饒刻所錄者竊意此條必已删去 二公所刻董叔重錄池刻十三卷饒刻四十六卷双不當 為善蓋果以乾卦云閉邪存其誠坤卦云敬以直內故說 朱子明易說亦載此條云因問李子思易說以誠敬一 亂於支離兩漢之際以讖緯言易而亂於傅會魏晉之間 李成之性傳序丙子學易記謂東周之時以象占言易而 以名理言易而亂於虛無近世以來以入事言易而亂於 之不則池本所刻本有改更後來者據原本正之此皆不 及誠敬耳注銖錄意同而語小異疑子明爲貫之昆第諱 可考也然則謂多與朱子合者其言近於誣矣 1/ sks 1

**吉在在以其一時推求考索測度髣髴之言而反疑前賢** 穿鑿皆易之蠹也此皆確論及謂世之學者未能窮究是 之病當表而出之 終身篤學研思精微至到之論此語尤中宋元諸儒說易 出來恐都非作易之本意及邵浩錄云渠自是一 卦灸來用線牽或移上在下或擊下在上辛辛苦苦說得 虚對功力也及潘子善錄先生因論趙子欽易說日今將 漸次探尋今但如此瑣細附合恐聖人之意本未必爾 大至集答趙子欽云象數之學亦須見得大槩總領方可 某理會不得只管以一樣說話了轉將去愈轉愈遠說 數而共說頒長不無支離附會之處故朱子有所不取今 元亨利貞更無窮極據此數條則超子欽易說乃言象 一般說話 Wi

**责氏日抄據帝出乎震章而謂先天卦位** 爲之耳 束發不爲詳思橫生論議且其言日離爲火爲日 雕艮兌 此甚不然按說卦自帝出乎震兩節外皆以乾坤震巽坎 邵子先天後天之說推之方可通朱子豈妄徇前人者 圖並氏二老不動二少則変之說與朱子不 語注腳以此考之則今所刻非子欽本也後人贋 離相 為序不特天地定位 <del>其</del>辭簡 對而其餘皆不合矣說卦所序明明不同 於坎明言為 而不明又絶 月豈黃氏所見本有 也 節也若據帝出乎震之序 及象數若 同 子所移易 水 那

台 雙湖云圖書位定而天地自然之易明誤又日合四篇大 其三兩亦非木也此等皆爲行說 本也 雙湖筮必有室條今所刻附錄纂註本不載則今刻非全 雙湖胡氏附錄纂註其自解甚畧攷之大全所載刪削幾 耶大全所載與鄱陽蓮氏會通同蓮氏乃雙湖門 自含五只言五中及有五耳故云得十不必如玉齋解 **齋說先後天八卦位數與前朱子一條不合可知前說** 湖云其畫三木之生數也六畫不可以木言矣若云兩 出於朱子也 半鄱陽童氏言雙湖兩著附錄纂註今刻豈其後删本 皆寫尊陽之微意政蒙未有此意

八純父八純出八祖郎以中 其實 暴言卦下註一 大全 | 卦言之八之八 上之一 有五贊今本皆無之亦誤 之卦爲 九 也 後無雲峯一語而 刻非完本 卦也主上 之 第一 一八字下坤 何父也六陽以畫言辟<sup>成</sup> 居四而重卦坎則居六世 既乾爲一之一坤爲八世 既皆做此畫卦之序乾 一字下乾 卦也上 市蒙反對之卦二卦 九卦以上 也 餘五十六卦爲緯八純艮 也 芝二 九 為主 兩條 上經之第二 居馬五 六八坎 地 辟卦 一餘皆做 卦也緯 也 四之 也 此

吳氏以元爲元首亭與亭獻之享同利者宜於事貞者正 陰言大皆指陽若象傳之大有慶大无功未大失皆牽合 書中畧不言及此何耶本義成書雖早後頗有改正於卷 吳書嘗以為疑朱子與吳斗南書數往復自已見此本而 以就其說其穿鑿不經甚矣 呂汲公古易見吳斗南仁傑所刻與東萊正同尤延之與 陽爲大陰爲小此易之一 王其事惟利字尚台正解餘皆鑿說 倣 止據東萊而不及汲公量以吳氏所刻為不足信耶召 卦自八純艮卦而變八純震變言蒙卦自 此 四陽大壯變言需卦四陽以畫自大壯而變餘皆 例吳氏因此謂易中言小皆指 八純震卦而

皆無之而陳氏書錄止稱古經十二篇出王原叔家會逼 朱子明謂朱子於他經皆有音獨易無之以有呂氏音訓 所言抑 抑未知其孰爲先後也董氏會通稱胡周父 呂氏音訓 以著之晁說之蓋誤也按晁氏以上 則此書當以附朱子本義無疑矣 者以竹簡重大分爲上下兩篇此當爲呂氏說而雙湖 一篇傳十篇則更在邵子與汲公之前考文獻逼考 胡氏邵子易八卷與晁本同程沙隨古易考篇 不知其所據也諸家參錯當以朱子語爲定 氏台則晁氏易乃出於邵子而沙隨與東萊同 書今不傳今所刻會通附見於中宜別出之 / 68 4 |下經合而爲 旦胡翼之

作朱子 晁氏古易以上 乾九三一灸朱子言有强力勞苦之象不可言龍故指 荆丞言用九只在上九一 字解誤矣 多相背違不可不 取呂氏語而以屬之晁氏耳非不解其義也 者竹簡重大以經爲二篇本義從之殊失其意雙湖蓋 丁言之雲峯雙湖俱謂三四人位非龍之所據若然則四 則躍退則在淵故交言日進退无恆虛齋以在字作於 以言雖淵耶其不然明矣雲峯雙湖皆宗朱子而其說 簡重大分為二 一下經合為 一篇語爲不然而不敢明與朱子背故掇 **多按此程子語張釋錄大全誤** 卷雙湖云按晁氏以道謂

一發之者女王與周公與若云文王則文專繫卦解初九等 字未有也不應獨著用九二字於元亨利貞之下若云周 嘗以春秋傳說推之卽六爻皆可通焉乾之初變卽姤也 便有乾及初九等字矣文周特繫以辭耳則用九二字或 本義以此卦純陽而居首故於此發之而聖人因繫之驚 **公則聖人因三字宜爲衎文玩前本義則似伏羲畫卦時** 故云潛二變卽同人也故云大人與利君子貞之占合三 伏羲所發亦未可知更詳攷之 紂之事或避在淵郎其象也五變則大有飛龍在天非其 變則履也其危如何故云厲四變則小畜也正當攻王與 泉平六變則爲夬故戒其亢聖人作易致嚴於消長之際 而深辨於進退存亡之微故當姊之始卽與其潛當夬之 一个卷一

東萊音訓引陸氏日象吐亂反斷也釋成其下云經文王 冬時非無雲雨卻說不得行施也行施便見亨意蒙引駁 **時已慮其亢所以爲君子謀者至矣** 變化之爲利卽可於植物駁之如枝葉之茂以及花萼之 楊說非 雲行兩施是氣之亭品物流行是形之亭誠齋說是蓋秋 增用易二字遂以屬之陸氏共疎界不考如此 周公所作也東萊語大全删象吐以下六字而於經字上 開亨之流形也旣開而斂鮫而落則變也所謂化之漸也 旣落而遂有實是化也是變之成也言乾道者此時尚未 全屬於物有萬物並育而不和害之意皆乾道之爲也以 **下交例之亦自明白** 

文言者莊氏以爲文飾之言孔氏直謂釋經文之言孔氏 變化者進退之象解此處變化卻別 者萬物之入機利貞是也按變化分出機入機未當此是 卓錄乾道變化是元各正性命是亨淵錄後來多從之卓 本義乾道變化無所不利似以變化爲利而各正保合爲 雙湖云以二氣之分言則變者萬物之出機元亨是也化 貞而語錄解皆不同髮淵錄乾道變化仭是再說元亨黃 共說當矣而必引繫辭語謂此文其言而不質直言之則 得之但王本無傳字故礼氏加釋字其實只指經文之言 錄則必誤記也 本義又析元亨利貞爲四德彖傳利貞連言之未嘗分也 而傳則所以釋經文之言也吳氏曰文言者彖爻之辭也 参 齿

善世而不伐本義無說傳說亦未分明西溪李氏與德博 之此必取論語以交其辭此亦因文言而推之者也 義偶未及祭耳近日問百詩氏謂克已復禮出門如賓承 說是左氏有取於易作爲穆姜之言也按李胡說當是本 左傳所載當時語其事則彷彿其文多出於自爲四德之 其取諸此傳如王肅采中庸爲家語之比雙湖胡氏亦謂 傳則謂春秋傳乃戰國時人所作記獲麟後五十年事疑 以爲疑古有是言穆姜稱之而夫子亦有取焉李成之性 **攻言元者善之長也八句與左傳穆姜所引正同故本義** 傳者詳釋經中文言之辭也此說得之 行說也吳氏及日繫辭傳者統論聖人繫辭之意也文言 事如祭皆夫子語門弟子切要之語而左氏傳乃皆先言

忠信所以進德忠信只是實其心之發然從知上 從虛齋論語日無伐善 訂正如雙湖本所載爲得兩董本雖并載然尙不至大誤 然從此做去卽是進德處修辭立誠又是進德事董銖錄 知得是非端的是如此此心便實實便忠信吾心以爲實 徹底恁地這便會進人之所以一 說大全不詳辨而混載之又多删併失其本意當考元本 林爽孫錄云忠信某嘗說是如好好色如惡惡臭是决定 「齊以爲善蓋一世屬一 朱子未定之論忠信不當粘知字說也此節語錄有兩 **姓莫如大全不知所據何本也** 例作治國平天下事則善世乃兼善天下之義秦 身說據傳不有共善之解似當 腳進前 腳退後只是 一來吾心

德是日日新居業是日日如此又云進德是營度方架這 故可與幾忠信進德與知至至之可與幾也這幾句都是 去底字修辭立誠與知終終之可與存義都是住底字進 所錄最爲分明的確大全删併都失其意難林錄分明餘 不同因舉破釜甑燒廬舍持三日糧示士卒必死無還心 不曾眞實做如何得進知至至之是見得恁地 節次文集日忠信修辭且大綱說所以進德修業之道 至之以其旣得而言則曰知終終之故語錄曰此是工 知至至之知終終之只是一事以其未得而言則日知至 相似居業是據現成底屋而居之忠信二字與别處說 此方會厮殺忠信便是有這心如此方會進德按此條 向做去

卷

茤

記錄之誤不可據也 以其所重而言大全所載朱子後一說最分明其云知至 者先知之謂恐未然 知至知終知也至之終之行也傳以致知力行分貼者各 知終不是言修為先後之漸只是見德業內外之別此是 會幾微知終是知得到終處終之謂意思也隨他到那裏 可與幾謂可與研察幾微卽大學能慮之謂也可與存義 可與二字朱子亦有兩解 便可與存義意思二字殊不可解疑記者之誤 知得到至處至之謂意思也隨他到那處這便可與理 知終則又詳言其始終工夫之序若林學蒙錄云知至 此卽繫辭成性存存道義之門之謂也語錄幾 說可是心肯意肯之義譬如 Ļ 也

謂九三在下敵體不應似以吳說爲長 說可與幾可與存義是旁人說與可與立可與權之可與 君子本非有此心故云或躍而此又以非爲邪也等語釋 文集九四中不在人則進而至平九五之位亦无嫌矣但 朱子曰伊川云卦爻有相應看來不相應者多且如乾卦 本義賢人謂九五以下誠齋謂自四以下皆從九五吳氏 昨日是勉强沒奈何爲善今日是心肯意肯要去爲善一 同當從後說 如其說時除了二與五之外初何嘗應四三何嘗應上坤 ;更都不見相應此似不通此髮淵所記當是論傳語乾 此朱子初年說易說亦不載 是一

坤不分剛柔而以同德相應專以乾坤言記者失其辭

卻謂地道无成而代有終當各就本文解釋不可牽合為 **彖傳卻別發**一 西南得朋東北喪朋卽蹇之利西南不利東北此占辭也 則本義反之西南句尚未爲定說 **有終在占者用之則爲始進无成而能有終也以此推之** 同 非也 也語錄云无成有終在人臣用之則爲不居其成而能 如六三无成有終爻辭謂占者始无成而後有終文言 南得朋 以方也禁虛齊謂以而通用當平說林次崖謂直內 道臣道妻道之義而不以占辭言矣必合而 東北喪 義以陰必從陽喪朋而終有慶與彖辭不 朋此謂占者利於西南不利於東北耳

梅之别也 程傳宜建侯輔助而本義以為筮立君遇之則吉據彖傳 以方外作推原說二說未詳孰是 之所曉不待言也占因象而後有旣有象卽有理可推 **丙卦爲貞外卦爲悔屯蒙皆二陽而屯主初蒙主二此貞** 古之用易專以占言故孔子以義理發揮經文以占固 目指初言又當以本義爲得也大抵玩辭玩占自是兩大得民也又當以本義爲得也大抵玩辭玩占自是兩 可以孔子之說便為文王之說又曰夫子作傳亦畧舉 于所言亦不在占辭之外特所從言之不同耳朱子曰 一建侯而不甯則當從程傳而爻辭利建侯明指初九傳 端以見凡例而已自是至論 一卷一 家卦體卦變四者或釋卦名或釋卦節卦

象是也 陽陰居陰爲正或取爻之相應如同人之主於乾或取眾 山兌之象澤是也卦體者以畫卦而言如二五爲中陽居 之象地震之象雷巽之象風坎之象水離之象火艮之象 離之德明艮之德止兌之德悅是也卦象者乾之象天坤 俞氏日磐大石也與漸六二之磐同桓柱禮記所謂桓楹 **爻之相應如比之上下應或取諸爻之不應如未濟之上** 開國承家也師以除亂言之故系於上屯以制治言之故 分言之公侯伯子男統言之皆日侯屯之利建侯卽師之 是也張子日磐桓猶言柱石按此亦可備一 下敵應是也卦變者以此卦從彼卦而來有上下往來之 者乾之德健坤之德順震之德動巽之德入坎之德險 へを一 解

系於初或以高光爲比失之矣 其爻言之不拘此例也故屯之四言往而小畜之上言來 說無之董胡諸本亦皆不載疑初年未定之說也 物指五无虞无應也以此觸類而長之當自見得此條易 程端蒙錄云三爻在六二六四之閒便是林中之象鹿陽 之中其地暱而不能自拔故屯初利建侯而五則屯其膏 自內而外日往自外而內曰來此象辭之例若爻辭則以 也 下求婚媾仍同程傳董銖錄是未定之說也 **貞有兩義正而固也其云貞凶貞吝者則主固義以不可** ?語推之其 不 取正義 明矣 陽在二陰之下其勢隔而可以有為坎一陽在二陰

**蒙之任初上二** 利禦寇三女子之蒙也四五皆學者之蒙惟九二 蓋卦爻雖不好而占之者能敬愼畏 爲確也 需者待也 錄云此 是舉或說以問而朱子云此說得好非朱子語 至於敗也此則聖 下民之蒙也故日利用刑 卦故 異當從僩 需有 卦本 四云需於血言其入坎也 一爻當從程傳用說桎梏 自 可待之 八名一 有水之 餘 人就占處發明誨人之 時故得以就 象 却 育 德有山之 日自我 一蠻夷之蒙也故 防則亦不 需之時思思預 以往客則本義 致 一冠敬慎 丸 理也文 獨當治 也 見 敗 敗 也

前 逃 訟六三或從王事无成與坤六三同坤之三坤體 间 或謂之上或謂之進自彼而此謂之來句尚未分明 占辭解按爻辭當從本義象傳當從程傳奏淵錄云或 .後得故无成有終訟之三坎體也坎險而陷故无成其 為需之主則剛處於五今爲訟之主則剛來於二也按 反對言卦變自俞氏始倒體卽反對也其說爲確自外 而內謂之來自內卦而外謂之往來又或謂之下往又 「辭則一而已矣 古傳指上 此謂之 |或從王事无成本義謂必無成功似與象欝 剛來而得中指九二九二 )來訟 一九同坤卦六三文言解本義云隨人則吉 乃需之倒體需主爻在五訟主爻在二 也坤先

明本義 剛勝之將能用中焉建安邱氏云以剛居柔得師之 傳云在師專制而得中道 未明言 五泉傳云以中行也則在師中當從程傳本義云有剛中 師中乃如俗言在軍中之意與傳異蒙引主此說但本義 作占辭解 )德亦當與傳不異也 全湖胡 一兼存之然經意是本傳辭是第二 一古也之意不協又與坤六三文言不協竊意本義是直 程傳朱子語錄云以剛中之德在 去非也本俱載 隨人 如 則古仍以炎辭意解似未確開致語類不載 此未知是否答云易中經傳 **《**卷 故吉而无咎兼山 一節話 師中所 不同 也 此條 郭氏云 以爲吉 如此處 說 中皆 則在

或主傳說以輿尸爲眾主引六五爻辭長子帥師弟子輿 長子帥師下當是脫吉字弟子輿尸只指三言本義以小 傷奉辭伐罪於執言爲順然田有禽句不合當作譬喻說 不專任之意更詳之 尸二語為證似可從然以象傳使不當之云例之則又非 子嘻嘻例同合從語錄本義專於委任之 也 征言解之上以公用射隼言而必曰此以五言不以上言 初上無定位故師之上以大君有命言離之上以王用出 人参之似仍是眾主之解矣語錄此假設之辭與家人婦 小人勿用朱子後說與本義不同學履錄自分明會通全 亦泥甚矣 有窩利執言本義作一意言字語辭此必有據當考程

**蒙再三瀆瀆則不告而比則云原筮元派貞故曰易不可** 載大全删削都失其意 勝之將也三則僨軍之將也四則僅以自全而已師之得 爲典要 師下當有吉字經畧不言耳 師六爻最爲分明初言用師之道上言其成功也二 易傳云卦辭本泛言比道象言元永貞者九五以剛處中 失三者盡之五為命將出師之主故兼言之以示法戒帥 正是也孔子與文王不同程傳亦言之矣 夫字生義語錄有兩說以偺錄為是 者後夫之凶則防風氏之戮也後夫猶言後人不必從 以下順從為義不甯方來所謂莫敢不來享莫敢不來 / 法二 主 則制

其中矣後夫不更指上六故傳義皆樂言之灸辭惟取己 **| 六二比之自內原以內卦言六四外比之原以外卦言至** 卦名比以五陰比一陽為義彖傳上下應也則止六固在 從之然六三亦不比五可更以六三為前禽乎後人推見 言比四三不言比上而别為說失前禽以上六言諸家多 象而推其理亦不在女王周公之辭之外然須各觀之 象傳不自失外比於賢則皆以義理言之孔子之說多因 本義解邑人不誠句本象傳上使中句來語錄有聞无聲 端途據以為說格以通例則往往不合矣 取義不可牽合為 相應與卦辭不同四以相近而比至初與三與上則各 197-一也陰陽敵應則不相與故比初一

則與亨字意不合竊意密雲不雨循詩所云曀曀其陰者 旣兩旣處象也尙德載物推其由也婦貞厲占也月幾望 **象也君子征凶占也程子謂婦若貞固守此則厲也此** 於武后也此所謂陰畜陽者而小人之於君子亦類是 知是否站記於此 大有所為也尚往施未行正是陽猶可亨之義如此看 正為陰盛畜陽之象西郊陰方猶詩所云出自北門者 具字未安且如博陸非不正也而卒以滅其族雖正亦! **云自我則文王自謂葢不欲斥言之也彖傳所解似别是** 一之反目隋文之於獨孤后也上之旣雨旣處唐高宗之 ·畜亨本義以亨屬陽而謂密雲不兩為畜未極施未 義尙往言其畜之未固施未行則以其爲所畜而 ~ 长一 茞

義必以剝夬之例比而同之不亦泥乎 位言故曰惟變所適 放皆自亂耳 中不自亂此句最好中不自亂天下誰得而亂之華歆种 吉嚴君平鄭子實之徒葢知此義也 卦有險易履最為險矣初之素履二之幽人則无咎而且 **榎之六三柔也而爻有武人之稱象以志剛釋之此葢以 짗何疑耶** 陰 在五爲大有雖象傳言上下之應而諸炎亦不從五 心廢之三,且與卦辭相反而諸爻與三皆無相應 在三為謙雖以卦辭與三而諸灸不從三取義也 陽之卦皆以 陰 陽為主而亦有不盡然者一

悖逆之臣也文王顧繫之日不咥人亨孔子釋之日說而 應乎乾是以履虎尾不咥人亨毋乃獎姦誨盜而非所以 **殷卦從六三發論則卦辭之履虎尾正指六三也乃篡** 是也履卦辭不咥人爻言咥人卻相反繫以此語正見其 為訓耶以是觀之則易傳趙鄭之說其不然也明矣 **彖辭與之如屯之利建侯謙之君子有終於初於三言之** 語錄裁成者所以輔相也一 履之上禍 福未定而 爻專以其旋元吉言之此即危者使 爲成卦之主耳 以補其不及而已易說會通諸本俱從一作本大全獨從 平之義恐懼致漏其有深望矣乎 武人為於大君此以成卦之主言也凡成卦之主爻多以 《卷一 ] 作輔相者便只是於裁成者

之詳審 元本按裁成所以輔相明與本義不合不知大全何故違 翩然而來皆欲逐陽而去之如元祐之時元豐諸 皆失實 其彙者人也句疑記者之誤 拔茅茹以其彙兩句皆象也茹茅根言拔其根則其類 於易紋諸家至董氏真卿止而又與會通大異不知所據 不同皆以易說會通爲勝其他所載諸家說亦不及會通 何本也 而起故曰以其彙屬上文而本義亦不另解語錄云以 人能之句亦不當删凡所載語錄多與易說會通 獨從元本也又此段下有此皆天地之所不能為 心實謂陽失去也添之時陽在內陰在外至是翩 也大全於詩本劉瑾通釋於春秋本汪克寬纂疏 人退休 相 本

**条傳柔得位得中而應乎乾日同人蓋以二爲成卦之主** 處周公以占辭言孔子則以義理言其不同處不可强合 與彖傳合非爻辭本意也此孔子別發一 未濟言之與此正同也 解本義云帝乙歸妹之時占得此爻而歸妹之五亦言 泰之六五乃卦之所主而爻辭言帝乙 郭京改失作反 而周公爻辭乃條之以吝繫辭及發明二人同心之義 事而再占乎此似可疑及高宗伐鬼方亦再於旣濟 寒卷一 解似未確 初國事旣變章蔡翩然來復而范呂皆不 不得其說而爲之辭 一歸妹思之不得其 一義與周公不同

陰而亦稱大則又以所有之大而言易固不可以例論也 欲攻三者四也非五也先儒嘗已言之 其高陵伏戎於莽矣 非本意其說不同按文義恐當從程傳如語錄則當云升 **彖傳柔得位得中而應乎乾日同人象傳叉日天與火同** 艱難之言乃爻艱則无咎之意象未之及也中蹊張氏以 本義九三懼九五之見攻五疑當作四九四言弗克攻則 大有初九重在初九上程傳所謂在大有之初也其克念 傳云伏藏兵戎於草莽之中時升高陵以顧望本義不明 大畜亦以陰畜陽而主艮之一 言而語錄則以爲只是伏戎於高陵之草莽中程說巧而 八孔子且有二解矣故知易不可以拘論 一陽故稱大大有主離之一 也

端也義不止此 其初 無患之備與本義不合克詰戎兵張皇六師此威加之 跋扈易而無備其戒深矣西溪李氏之說乃以備爲有備 出耳故 節齋蔡 元成肅代惟不知威如之戒故釀王氏之 **裒多益寡程傳從財用施與上說本義亦然但未分明說** 高而卑以下人便是平此又是就謙字貼合平字非 位言亦非位 九故 日亦識之意也意字 无之耳如中溪說則并以大有故而無害矣 川厚齊兩說是蒙存俱泥語錄以此爲實 大有之 日匪咎艱難處之其咎 於一 期 騎禄 初去五遠而非應无交也故有害之 不期侈大有原有涉害之理以 可見語錄有云謙 可無 É 則 押 此

豫之二 渝八所以一示遷善之門一而爲處豫之法渝由於悔悔乃 豫也故二吉四大有得至他爻皆溺於豫者三之悔上 屯之利建侯以象言豫之利建侯以占言故屯初言建侯 之志未得傳謂謙極而居上亦當以傳爲長也 自鳴則非謙也然以鳴豫例之不當兩解似程傳爲長上 六二上六之鳴謙本義皆以有聞言不以自鳴言謂謙而 淵錄云鳴謙在六二叉言貞者言識而有聞須得其正 佞與本義不同 而豫四不之及也 吉蓋六二以陰處陰所以戒他要貞謙而不貞則近於邪 說謂裒去在已之多以益在人之寡不可從 超然於豫之外四則卦之所由以豫而已未嘗以 則

多牽强如謂志大行乃大者之志得行有是文法乎如族 之小亨巽旣濟之小亨賁之小利有攸往小亦不指陰也 在二柔之下故曰剛來而下柔也蠱剛上 大有得與大有慶大得民同不指陽也大謂陽小謂陰自 爲義然物之隨已由已之能隨也無兩義吳皆謂以陰從 虚反對之卦隨日剛來而下柔蠱之上 來而下柔已之隨人也動而說人之隨已也卦 下也卦變以反對言確不可易朱子當日偶未及此 一爲蟲之上 例非易中凡大字皆指陽也吳氏泥於此例所解率 震无咎者存乎悔 九隨之上六下爲蠱之初六故日剛上 一九爲隨之初九 而柔下隨之初 ニュ 以隨 物 耳 而

於追王後亦稱王平本義只獎言之於此固未一 占得此爻而王乃迫稱之乎抑太王始遷於岐嘗占此 用享於帝而於西山獨專言之豈文王祭於岐山之時嘗 王用享於西山文王未嘗稱王則爻辭之繫在鎬京之後 也 後甲三日者日之始先甲而後甲故云終則有始此不 有據彖傳終則有始傳義倶未分明先甲三日者日之 先甲三日後甲三日易傳只以意言之本義依漢書注爲 也古者祭必卜日故言利用祭祀利用享祀王假有廟 盈虛消息天運之當然聖人於方盛時已預憂之故臨 辛丁之義本義亂之 川說得之於前事作先甲辛始後事作後甲丁川說得之大至載臨川說與今本亦微有不同 | 卷 | 一終治之始又是從終始二字推出 致詳 終 而 取

董銖錄云問至於八月有兩說前說自復一陽之月至遯 其必消傳日聖人之情見乎辭 陽浸長而有八月之戒姑之一陰憂其必長臨之一 陰在下與臨相反亦陰長陽消之時二說熟長日前說是 紀之不可知也案此以後說爲得 凹時不忒即天之神道也禮記日天有四時春秋冬夏風 周正八月後說是夏正八月恐文王作卦辭時只用周正 智故曰天人一也更不分別 物生焉可以見其旨矣在天爲元亨利貞在人爲仁義禮 神道設数亦即天之神道孔子日天何言哉四時行焉百 雨霜露無非教也 |陰之月陰長陽遯之時後說自泰至觀觀二陽在上四 ~ 岳一 苣

罰勅 出之五 罰與刑通用罰卽刑也盤庚康誥所言甚明惟呂刑乃 中之物此語恐記者之誤 **獄爻亦各自取義不說噬頤中之物按中四爻正說噬** 淵錄||五彖辭中剛柔分以下都掉| 罪之小者蓋散言則通用刑罰對言則刑大而罰小也明 以見自家所施之善惡此條仍與傳合 以懲其過也勅 爲定律 錄云九五之觀我生如觀風俗之嫩惡民臣之從違 所 用之法法者平日所定之罰是以明罰爲用刑勅法 法程傳謂明其刑罰飾其法令吳氏因之謂罰者 刑五罰其義乃殊是罰止爲罰贖之罰矣說文罰 用盤庚康誥之義俞氏日明罰如金作贖刑所 如象以典刑所以防其惡也此用呂 了頤中有物只說利用 頤 可

推之則愚說 到罰在法之內不當於勅法外又言明罰凡此皆 作贖刑之類勅法是示以罪犯如王制析言破律執 在此未見犯底人留待異時 則柔亦剛矣剛位故也按吳說是然與六五乾肉不異 以亂政者殺假於鬼神上筮以疑眾者殺之類明罰畧 協寫意明罰是示以罪名如舜典象以典刑流宥五 勅法詳明罰先而勅法後朱子云此與豐不同先立 則與爻象不合此乃豕肉受日之暵者肉六之柔 肉謂獸腊全體骨而爲之者吳氏謂六三六五二柔畫 云肉九 四剛畫不云肉而云肺若以六三爲全體骨之 似可通也故將朱子此語删 說則明罰在勅法之後不當先言 而用故 日明罰勅法 去之 明罰 有 也腊 以此 刑

得金矢傳謂金取剛矢取直本古註本義引周禮釣金 狐得黃矢本義以爲去邪媚而得中直則仍從古註合且 矢本之荆公二 **坧黃金亦已** 一毒六五則牛羊豕之乾肉故不云腊而直云乾 聞此亦善爲本義解說矣吳氏以金矢爲鐵箭鏃是金 象以爲怡獄之譬不應以金矢言之也且四云金矢五 獄爲大四人臣也小大兼理之五人君也非大獄不敢 分別離 金雖取象不拘然亦難以强通也解之九二 樧 物與黃金爲類 Ä 所獲野物腊 |不合雲峯謂周禮訟則出矢獄則出金訟爲 離火則鑿矣周禮 說本義爲有據然中四爻本取頤中有物 但噬乾胁而得鐵箭鏃噬乾肉 肉專指其肉而言也以其野物 注曰獸小物 1 1 1 全乾爲腊 田獲 肉 也 故 束 則

啞嗑 學履錄云六四白馬翰如言此爻無所賁飾其馬亦白也 侧錄云厚下者乃所以安宅宅如山附於地惟其地厚所 **賈而自責於已似為較合本義只緊言之** 舍車·而徒傳謂舍二而應四義不甚協吳氏謂不受二 言無飾之象如此 **巫義只以象言故不從程傳然傳說自有味也** 黃蛇金之 即虞廷 四十餘年不用蓋基於此矣 利用獄 折獄程傳謂无果敢於折獄又謂無敢用文以折 而 凶罪止流窟之意聖人之仁也成康之際 周公之繁爻辭初止 17. 則连婦 與之曲周面直 官不 異鳥 関 子 上 力 青 於屢校 言し 止金之 於何校

剝其廬也此說與本義別 **今小人欲剝君子則君子亡而小人亦无所容其身如** 輿也然小人雖載君子而乃欲自下而剝之則是自剝 **六之所以矣推本而言之也** 微有不同處以謂能左右之也非其反君道則亦不爲上 伊川語錄中說仁者以天地萬物爲 潘時縣錄云君子在上而小人皆載於下則是君子之得 以 **蹭所謂本固邦甯也此與傳意不同不從剝字說** 山安其居而不搖 耳蓋惟君子乃能覆蓋小人小人必賴君子以保其身 以其國君凶則上非君位也象言反君道此與爻 人君厚下以得民則其位亦安而 體條此西山述

之衞也 引 爲順 吳氏曰古耆乘車三人在車上步卒七十二人在車下輿 六二自止而不進異於初矣上爻近主治化說按程傳本 義倶縣言蒙引以畜德言存疑以仕進功業爲言宜從蒙 也程傳以輝光總承剛健篤實與本義異 剛健乾篤實輝光艮張子曰易言光明多艮象誠則著明 字然經傳中訓釋添字者亦多似不必拘本義解 ·耕而穫不菑而畬此所謂无妄之 爲是蓋彖傳所有也存疑太狹至主治化則更誣矣 於无妄之福卻似未合此无妄之福者與六三无 頭頤舊說指求養於初以六四例之則亦指上九也 耳倖 1 AYA 1 福也朱子謂添 則 卻

高者當指五言是 反 忘在五 義海撮要云六四正應在初捨而就於上九兩得其位焉 殺所以深乎戒也小象道大悖正以其悖於君臣之義 欽谷永唐八關十六子之流乃上之私黨知有權臣而 六三與上九 應是以所往 二五正應而求養於上 乃逆黨非止私黨也 有君者也故日貞凶又日十年勿用无攸利辭繁而 以鳴豫凶也上九據高位操利權三與之爲應如漢 司馬昭之賈充劉裕之劉穆之爲比則又太過賈劉 |徘徊於彼此之閒而五陰柔不能以養上又非其 正應反以拂頤 而得凶也行失類謂五上皆非其類耳 中為此 以而 此所謂 邱泉之二 凶 此 拂經其云於邱頤邱土 如豫初六與九四應 一雖賴上 九之養而正 而

之甚然志於養而上九之施光故无咎按 故 迥 頭爲求養於初恐未然也義海說得之但以顚指 施光也與六五順以從上 否 視眈眈二 固力 有通货 顛頤吉也虎 相與言老夫與女妻年不相當老夫大過之人而 也按此說可補義海所未及但添字太多未知是本 明瞿 泉滅 唐 視逐逐而來皆有 也頂則 一句朱子日 來氏日顚頂也指上 唐來氏曰惟上 175 視眈眈貪食之容其欲 雖 兩上 以給之 所施者博而下之待養者 解 字 到底理會不得義 而 此可補義海之說 自指上 無難此 逐逐逐於 Ē 小象顛頤之 諸家皆 四之所 欲 所

習坎先儒多有解然愚意習字當爲衍字因彖傳而誤 四 各炎論之則一 酒簋貳亦吉日辰良之體所自本而二 重巽乃是舉以爲八純卦之例如離麗也艮止 女妻爲配故云過以相與程傳似未然 而震不言動亦是舉其例耳 也象傳亦是誤加習坎重險也正與重巽以申命 不模乎下傳謂不 指 下有二陽而上 初也 小象以樽酒簋貳爲句與釋文要可並存也 語本義從晁說貳字最爲有據然如舊解 四棟也三上有二陽而下止 止 下繋於初也以至卦論 陽故棟隆不橈乎下似以一 一簋已見於損象辭 之 四陽棟也以 也允說 陽故棟橈 同習 則樽

意未見有失故 瓜柔 風 虚齊 應不得謂 釋卦 ||志在隨人所執 與咸 本義云 而 云謂志 H 名 相應初小象志在 下恆 凶咎 所 執之下矣况 往似是更發 不得 已 不同按咸云是以亨利貞取女吉 **(義亦見於** 已在其中極難釋 剛上 可知 動矣不 以 剛柔皆 万 而柔 梅吝言於本義異疑當主本義 也當 而語 主 應 **卦名內矣當是互文見義** 錄謂但見其不足以感 承上亦不處 以從初炎而 應 外也似以應四言本義 下咸二 義止而 大概相 四 說恐未 卦名 |氣感應以相與恆 說可以爲貞巽而 同然成 而亨 動 而言 然 為是若 尤分 以 玩是 釋 掛 明 辭 解 雷 也

旨此只以 助 亦增 小重り 人者言 發揮彖辭似本無此意也 云孔子以言必信行必果為硜硜之小人而孟子亦 亦 得魚無後災故不言凶咎 禽所謂守林待兔者也至於無得而止矣孟子曰 미 取 順 以爲貞夫子爲未足以盡貞字之義故 稻 不必信行不必果此恆其德貞而夫子凶之謂 久照久成意程傳得天謂順天理 恆言變而能恆又是推言之非此節意 至利有攸往只是占辭終則有始乃夫子以義 天理意似未爲當 日月麗乎天也四時變化猶寒暑 |爻辭當並存以俟考 卷 誠 齊以能變化 罿 立 而 相推 一說愈非其 於變化下 以久於 也俱

者卽是 不取 又謂六爻皆不取相應之義似當以童溪爲得也初之沒 恆六灸剛柔皆應易傳止於初於三於五言之童溪王 小貞大貞賁之小利有攸往旅巽旣濟之小亭皆以事之 恆者然在婦人則為正也詩傳所云夫有惡疾不 否之大小往來遯之小利貞皆以人之大小言也屯 義言婦當從夫夫不當從婦· 恆其德矣六五恆守其柔故有夫子凶之戒若與一 只以在始而求深言不主應四九三若志從乎上 相應則爲恆之最古者而不得言凶也象獸發明灸辭 相應之 迎義 義而於 吉依象傳貞字當在婦 恆 仍程傳蓋 亦不以相應言本義於咸 偶未及改耳 此亦 非 則 所 可 以 非 恆

意至雲峯調喜一 安調六二 尾 古小人不得其君烏能爲君子之害耶按象 小言也 云與 節齊謂不可遜愈失之矣 |陰亦不以小人言正是 可據也或謂二之所以能沒長者 象也 一台志 一乃遯之所以爲遯恐皆非是然傳意亦未見其 也傳以往爲去非是語錄去不及之說與本義 取於遜 用 一之從五者固雙湖謂陰炎無取於 此說 有攸往占也初在 **又未然**臨 何以言遯尾耶傳言一 例六二 卦 下往則出矣言當 以五與之固結 遯亦是  $\overline{\mathfrak{F}}_{l}$ 固 偶然 志 遯 遯 順 建

有所 比陰四應陰比非正也應正也故三日 所 而角亦嬴其敗不獨 罔其能無敗乎羝 此言 用壯是团 用其觸矣壯於 陽居陰 只云以中順自守不 說未詳 能 歌之 |與明夷反 絕之以遯若小人之否則好遯 <u>.</u> 1 寬 闘 羊觸藩 在君子矣并以警小人也 也君子 | 對明夷之六| 取相應義雲峯蓋從傳 小人不自為藩籬 以爲蜂蠆之毒而不之 以小人之 任重致遠之 進而 用壯言觸藩 遯 ൬ 一象也 限 有所 亦同 吾用故 而 羊

**经有以同德相應者如暌之初與四亦然** 晉之二五皆陰不相爲應然爻言受福於王母則亦取六 蒞眾以明而明夷之象則言用晦而明蓋明亦有時 用 IE 五之義 南狩以象言之 之不可以亟也 也然明莫大於是矣察察之明非所以爲明也 義則指南狩之 正家之始故云閙上 而其效至於富家極矣二四備言之三居上下之際 五也本義謂自觀而來吳氏亦謂卦自觀變皆未然 也此變例與他卦不 與本 義合 離南方坤西南方故日南狩不 傳以舊 不 绀 可 正家之終故云威女子之職 **亟也東萊引伊尹** 染汙俗言似又在得 同 1  $\bar{\mathbf{H}}$ 就桀武 大首 可疾貞言 主 而 後 中 不

身而以言有物行有恆指明之更所以發明身修而后家 掣本無天且劓疑故其見如此其說非也及云九本居五 舉嗃嗃嘻嘻以爲法戒五則家道之成也齊家之道蓋盡 以己意篡入與朱子不同亦不明言其異同大全不 牽强雲峯爲朱子後人其爲書多衍說 則二九相比不孤今九來居四則上 門內之治恩掩義此殊未然日嚴君日閑有家日威如日 齊之義其意抑愈精矣 家人嗃嗃大戟以嚴爲主 析採入本義之下貽誤後學此不可不察也 八三之見與上九不同故傳義皆實言之雲峯謂本無牛 此象傳叉推言及於父父子子兄兄弟弟象傳歸於反 / // 一孤而四亦孤矣此說 無有發明又往往 菎

對之 掛言 卦 闭 來連程傳兼三二初說當從本義獨指九三來碩傳言從 否泰諸卦皆指內爲來外爲往則蹇之往得中謂五也 四以無應而孤又以无夫指初九此義似未盡疑當指 有之 蓋以相 而應 則爲蹇九二 m 說先儒 外也 外往 一揆自家人反自家人六二之五言之柔進而上 極 乎剛是亦用反對之義而其他解又不然也 九亦以下從六五爲尙賢 分明惜於他卦解不復載耳及漢上 得中位蓋蹇解相 比而言或以六五尊位易之取義不拘拘 已有言之者不始於俞氏也其謂內爲來 得中則日其來復吉乃得中也往者得 循發視蹇卦則爲解 朱氏於 覆視 也 中 如 解

損之名卦原取損下益上之義而卦辭灸辭則不指此蓋 得也當位實傳謂以陰居陰爲得其實凡陽爲實陰爲 <del>緊言之中漢謂一</del> 享爲例彖傳及推言之至於損益盈虛與時偕行則其意 **內卦若九五則不可以言內矣朋來傳以六二言本義** 故不以一定論私卦辭專以時之當損者言特舉二 傳說仍未然雲峯以當位實指三本義無解當從雲峯說 爱下之益而以自損其疾爲言惟六五舜天下之益是所 愈明白矣初六以奉上趨事為亟九二以弗損爲益之六 損下益上剝民奉君則其辭有凶而無吉易不可爲典要 一槩言損益之義而絕無與於損下益止之言者六四乃 三本義獨指九五按象云志在內則當指九三 なる。一 |朋合初三四上之才以來疑以中溪爲 一簋可 丙 虚 謂

損之五卽益之二旣濟之三卽未濟之四此以反對爲義 六三與初二爲類然以一陰而從二陽則所損大矣故曰 或益之自外來也易象外皆指外卦此與或擊之自外來 本義兩具爲朋舊本皆作兩龜爲朋誤也此後人所改 言其凶而其餘並無悔吝之辭也 人行則得其友此說與本義不同然可備一解 三人行則損一人三與上爲應從乎上是其正也故曰一 以外字泛言變例也然易中辭同而義異者甚多六二之 也卻|不可云外卦故本義特註|云或者眾無定主之辭蓋 最爲分明求之他卦卻不盡合也 謂尊爲天子富有四海之內者至上九損之極而變以損 下者而且爲益下矣故六爻惟九二有征凶之戒未嘗正 12元

損下卦三畫之陽益上卦三畫之陰是三與上相易也損 外自指外卦而上九之外自屬泛言亦不相妨但在 益兩卦於二五皆言或益之十朋之驅則於損時受下之 中頗難兩解故本義變例釋之 聖人蓋早慮之矣 勝其危者君子之去小人固甚難也漢之陳實唐之張桓 呂汲公約楊畏助己引為御史畏首叛汲公此包無魚之 益者五於益時受上之益者二於上與初乃無與焉損益 一卦初畫之陽益下卦初畫之陰是初與四相易也而損 有發明及此者姑記於此以俟狡焉 反對成卦損之五卽益之一灸辭恰同此自有義先儒 以五陽夬 一陰其勢爲易而卦爻之辭憂懼呼號若不 1/22 1 Ē

程傳 所 **有釋爲順者說卦巽入也巽有卑伏之** 一義以乾九五九二 一溪日坤順 以起凶也汲公亦昧於大易之戒矣 止有七德矣 · 利見大人指九五升之用見大人指九二此亦反 陽初生 明不更註耶如師之丈人自指九二而本義亦不 以坤西南巽東南語錄所謂虛拱得南也本義只依 固不敵也聖人憂思之情於復姤一卦見之矣 而其勢甚危姤一 也巽亦順也此說非是柔傳於巽皆 先 例之亦合本義卻只泛言之豈以其 陰初生而其勢已盛君子 )義若亦肖 日巽無

姤之臀无膚其行次且旣濟未濟之高宗伐鬼方皆其最 易灸辭有以反對取義者如損益之或益之十朋之龜夬 明者也獨泰否之拔茅茹以其彙升萃之罕乃利用編乃 也由是而之則其進德也孰禦此舊說與本義異 即著於本炎又是一例故曰易不可爲典要 大全載朱子說日因其固然之理而无容私焉者順之謂 前氏日井乃困之倒體困倒轉爲井則六三變爲六四改 五射別王肅本作臲氣陸鄭皆同九四九五皆爲上六 掩九四止云來徐徐九五不當有劓刖之傷也臲說交 **剌與劓字相似鼿字字書無之當同觚觚一** 同而誤也吳氏從王本 一五之剛中如舊不改井之象也來氏謂 4 音月叉以

巽乎水而上水語句亦不合矣 蓋再三言之則此不應云以巽木也若以巽爲木則彖傳 巽木入乎坎水之下以木二 巽乎水而上 居五坤爲邑變坤爲坎改邑也坎水爲井五以剛居中而 不改井按六三之變與剛中無涉而坎亦非國邑一說倶 可疑張氏謂自泰變下卦本乾柔來居初上卦本坤剛往 不改也吳氏亦主自泰來而其說尤牽强傳義皆不以卦 不變是不改井也張說於改邑爲合而初往居五不得云 之坎爲井上卦之坎故曰改邑九五之劚中不改故 一水只取入義古之汲以瓶不以木也本義以 小魚項主沙隨說以爲蝸牛傳或以爲蝦 ノオー 一字疑行語錄不取木桶之說

身言威儀言動之類是也 也本義界不言語錄則主沙隨說 **羲名之似亦可疑程傳謂器在卦先則周書世本皆不** 鼎取諸象彖傳鼎象也此以象名卦無疑矣春秋傳言夏 其交炳也以天下言禮樂風化之類是也其交蔚也以 註即太昊方士之言其信然與叉周書黃帝作井世本伯 信也 始鑄鼎則伏義時未有而封禪書言泰帝與神鼎一 革之六二反對為鼎之六五故曰杲進而上行然於華不 益作井皆在伏羲後卦名亦取諸井則謂六十四卦皆伏 馬蟇蓋兩物鄭氏以爲蝦蟇則 物此徐氏所謂蛙屬 差 泰帝

氏初自 易傳仇對 鼎賴耳以行耳革則行塞矣 蓋慎之也吳氏引梁冀傳意錢之戲以億爲相賭賽謂 金鉝當指上北爲是易不可爲典要上九自取玉鉝而六 一承二 加 此解而集解不藏鄭說諸家多以億爲噫本義云未詳 喪貝十萬曰億此言喪億貝也億字在上 指上 何 灸言之及省貝字故云億无喪鄭日十萬 「顛趾有疾也似可從 同 出中溪張氏日言其所信任之人果如何也與傳 一九爲金鈙固不相妨也 也取君子好仇之義本義相陷於惡而爲仇 (仇之義本義於有疾不解恐未必同傳義徐 1 |偶文倒耳六 日億當 取

交址姑記於此而更考之 纂言震六三註全用程傳只增象也占也及不勝其自失 别疑六三註本缺而後人以程傳補之者篡言最多異說 字當從十萬曰億解傳億度之說似未然 與五對億其穿鑿詭異至此小象大無喪也以大字解億 撓之也 也三語乃考上六註謂索索與蘇蘇皆言雷聲與程傳全 艮其背指靜時說不獲其身口鼻耳目之欲不得而動出 以此推之後人不無增益改易於其閒或未必當時之本 行其庭指動時說不見其人言外之是非利害皆不得而 小拯其隨程傳言不拯而唯隨意似未安本義不解語錄 **企能拯止其隨限而動語亦未分明有問語** 《卷一 條作不

之來氏謂歸妹之二進而爲漸之五而以進得位其位皆 12)亦台其云得位者陽得陽位也下其位 巽長女艮少男亦非正也然艮止則無情欲之私巽順 為漸之六四此以女歸牽强合之卻 鞍爲得 拯 然前說亦可借 不去也 驕亢之失所以爲女歸之吉而長女少男則畧之矣本 五言之則語複而無所當矣俞氏謂歸妹之六三進而 其所隨則其隨指三言言不能拯三是以其心不快 不遽進本漸字解雜卦 **妹反對之卦漸九進居三九進居五以歸妹** نخ 解地 所謂女歸待男行者固是正義 不思往有功三字解 双專以九 反對言 五言 也

意當合朱說參之吳氏曰儀如鳳凰來儀之儀言其羽翮 實合二句言之則古註為長二說各別不可合也吳說亦 整肅羣飛有序可爲儀法也愚按以下句言之則本義爲 豐大也而爻辭豐其蔀豐其沛豐其屋蔀其家是所謂高 可備 氏日抄謂本義於可用字為切然古註似得飛翔雲路之 鴻漸於磐位也飲食衎衎祿也非竊位非素餐 則兼以象言矣 明之家鬼瞰其室者盈虛消息聖人蓋懇懇言之矣 土註峨峨清遠儀可貴也本義儀謂羽毛旌纛之飾也黃 下初進而無應故危而不安本義其占爲小子厲其實 日長爲少男故有小子之象吳氏日長爲小子幼弱 3

對言之則豐之二為旅之五是所謂得中乎外者蓋自內 故天下賢豪以爲用 瑣斯其所取災 田獲三狐去小人也田獲三品親君子也大臣虛懐下十 如此解吳氏日四與五同體同德始雖商度未定終能 三說五介疾者介於上下之疾有喜者疾安也未甯之 疾有喜介然守正而疾惡柔邪似於交義未安然諸家 九喪其資斧正用漢書齎斧之說本義不分爲二 覊旅窮約之時不免有計較毫毛之意故戒之日旅瑣 外謂外卦

疾安謂無復有不定之意也此說可從

學蒙錄云九二 字参以易說正之 得此亦是依文解義說終是不見得三誤來居二之爲安 得誤密若云六三誤 中而不窮所以爲安如机之安也六三歐是二往居三 易為君子謀不爲小人謀然遯之小利貞小過之亨利貞 **逃出此說似可參** 上九涣其血句去逖出句諸家多如此解小象遠害正釋 自是二 未爲得位以其上 江脈似豬非魚類今俗謂之江豬以爲豚魚者非也豚魚 一之於三四爲得位是如何此條大全多誤語錄亦有誤 物 《卷 | 渙奔其机是以卦變言之自三來居| 一同於 一應上九爲上同恐如此跳過了不 四五所以爲得位象泉辭如此說 里

皆未確幹錄乾之易致知之事坤之簡力行之事及日他 乾以易知坤以簡能語錄所載不同文蔚錄知字作當字 是亦未嘗不爲小人謀也但皆訓戒以正欲其無爲君子 解此本義舊說今已改矣其云簡易之易難易之易只一 未濟亨本義不解亨字疑缺交未濟自是有亨之理如蟲 時識勢學易之大方也 之害耳小者過而亨卽孟子此二者皆天也之義故日知 而言及謂易是知阻難之謂及謂此一段通天人而言似 易知亦似少差祖道錄乾知是知坤作是行又謂通乾坤 个字但微有毫釐之問自是但以分別乾之易知與人之 不及也 元亨之例彖傳卻專主柔得中說程傳故兼言而本義則

或是舊說或記錄之誤不可據也 夫易知底人人自然去親他條當錄亦稍改與語錄會通 以是而知人亦以是而知之則與祖道錄同以本義攷之 皆不同 自是故以下卻舉易以明天地閒事蓋此正是交互說故 朱子曰自天尊地卑至變化見矣是舉天地事理以明易 是聖人也此條與語錄不同易說亦不載 問可久可大只說是賢人之德業楊氏曰可而已非其至 也如何日其說亦是此雖不說是聖人至成位乎其中則 凡雷霆風雨日月寒暑成男成女無一不與易合者乃舉 天地閒實事以與易配其日易之見於實體者實體二字 ~ 长一 聖

者卽在天成象也成男成女變化之成形者卽在地成形 畫之易皆與本義不合雷霆風雨日月寒暑變化之成象 模寫他這箇大全所載云鼓之以雷霆以下四句是說易 皆在這卦中也在這卦中是就天地說易故又日易只是 而分天尊地卑節爲畫前之易是故剛柔相摩以後爲 地實體中及其旣畫天地萬物之變化又在卦爻實體 自指天地不指易也雲峯謂易之未畫卦及之變化在天 也是倶以天地言若指易卦說則震雷離霆巽風坎兩離 叉當以一索再索三索言本義何以俱不及耶語錄髮錄 中所有本之會通考語錄易說俱無之惟黃營錄鼓以雷 日坎月本義當明註運行寒暑又當以圓圖言成男成女 霆潤以風雨此已上是將造化之實體對易中之理此

|義兩節皆以卦爻言吳氏以兩節指卦||節指爻與本義 辭言矣變化者進退之象剛柔者晝夜之象則爻固以象 無辭而爻無象也聖人有以見天下之賾而擬諸其形容 氏說似可通此章又以象與爻並言之朱子亦云象言卦 異以下章彖者言乎象者也及者言乎變者也例之則吳 聖人設卦觀象緊靜焉而明吉凶剛柔相推而生變化本 象其物宜後叉云言天下之至賾而不可惡也則卦固以 也下截言爻也則亦以卦與爻分言矣但象則卦全而爻 便是說易中卻有許多物事語意相近然據其說則亦以 分故以象屬之象辭則卦畧而爻詳故以辭屬之爻非象 不分明恐不可據要之當以本義爲主 [霆風]雨爲造化之實體矣其云此下便說易中云云語 《卷一

在其中矣。鼓天下之動者存乎辭言及而卦亦在其則言卦而及鼓工其中耳上為鼓咸艮皆以人身取一存乎卦言卦而及在其中如鼎初爲趾二三四爲腹五 專舉七爻不及卦辭聖人言語要不可以拘論也 言矣繫辭焉而明吉凶以設卦言繫辭焉以斷其吉 要而乃以例求之亦固之甚矣 謂之爻言其語正同卦爻固可通言之也極天下之蹟 何 著者若屯之主初九蒙之主九二亦閒有之而謂六十四 項氏曰彖辭之例專取主爻爲言吳氏主之然細考亦有 所樂而玩者爻之辭不可謂彖辭非樂而玩者而擬議則 不盡然者一 皆然此必不然之論也卽以乾坤二卦彖辭其所主者 爻耶說春秋者以例前儒尙且非之况易本不可爲典 隆 一陽之卦以一陰一陽爲主此彖傳所已

卽剛柔相推而生變化之義蒙引存疑專以蓍策之卦爻 剛柔相推而生變化朱子曰變化是易中陰陽二爻之變 **象者以言一卦之象消息純雜也統言之及者以言** 虞在物之意其分屬悔吝則非按憂虞只是一字分之則 悔吝二字非是易之序虞改序為象亦非是吳氏從虞皆 明吉凶便該悔吝在內悔吝吉凶之未定者也虞翻本增 好異之見耳至删去是以自天祐之句愈不免汰哉之譏 下繋辭傳云變動不居周流六虛上下無常剛柔相易 川吳氏憂憂患於中虞虞度於外卽括蒼襲氏憂在心

之變顯晦當否也析言之 震動也本義動其補過之心說動字少輕更詳思之語錄 成性以造化與人物交接處說顯仁藏用專就造化說 繼善成性統人物而言顯仁是繼善藏用是成性但繼善 精魄也耳目之精為魄氣魂也口鼻之噓吸爲魂二者合 彌言其大而無遺綸言其别而不混 欲動而无咎說動字愈輕矣恐記者之誤 神大全此條删併朱子語考之易說語錄皆不合 |言乎其得失也倶以時位||言時有消長之不同位有當否 **而成物精虛魄降則氣散魂游而無不之矣魄爲鬼魂爲** 仁者節屬成性顯仁節屬繼善雙湖以繼善節屬

通利貞誠之復分屬乙是固以先後論也顯仁藏用本 易與天地凖本義云易書卦爻夫易廣矣大矣本義不言 物資始乾道變化各正性命正同周子通書以元亨誠之 繼善是造化流行成性是人物所受與彖傳大哉乾元萬 書廣大贊易之理是分而二之也但本義即物而理存以 易書以見前也吳氏日此言易書之廣大而引下繫易之 用是表裏說則與繼善成性微有不同矣更詳思之 不根繼善成性說語錄元亨利貞是先後說顯諸仁藏諸 為書也廣大恐備以證其說為是雲峯謂准天地贊易之 亦以表裏言也此條語錄易說俱不載 曾通董錄云顯諸仁似隱而費藏諸用似費而隱按此是 **公顯仁節屬物皆非是** 

思 卦爻之辭考本書是論程子易傳序觀會通以行其典禮 觀其會通 則辭無不備非解 以下有是故謂之爻一語也易說載答曾光祖書辭謂 所 以成變化而行鬼神 此句失之矣 以下文說不可惡此條合僧淵 口天地之數五十有五變化鬼神皆不越乎其閒漢 行鬼神之氣而 會 以行其典禮繫辭焉以斷其吉凶繫辭只指 多以賾字爲至妙之意 何可行 則於理有遺缺如之 此節正義也易說誤入而會通大全途 , 也程子日 已數只是氣變化鬼神亦只是氣 | 變化言 何可通不通 條易說不載 兩錄 功鬼神言用張 亦畧不 ũ

人也吳氏

而有升降

火七成之三生木八成之四生金九成之五生土十成之 之與數相關合處亦無解更詳思之 也鬼神卽此二氣之屈伸往來者其所以運行終而復始 化之所以皆以五十五數而後完備者亦未有說行鬼神 者此也故曰行鬼神按程張朱三說俱畧未能深曉其義 十五數而後完備故曰成變化蓋 朱氏日奇偶相台也 凡陰變而化陽則爲水木陽變而化陰則爲火金皆以 故能行鬼神變化鬼神天地也行之成之 說成之行之者人自非是吳氏發明本義爲詳然 八之所能爲也變化之道由數而生故日成鬼神 此大行之數所自起變化卽指著策之變化鬼 卷 |故能成變化變 一生水六成之二生 化相

爲乎正與此句相 大衍之 **而後得獨** 用 叉五 則合為 一大衍之數 一十五之中其四十 無所爲則又以五乘十以 五 則成五十五 圓 居 五 河圙洛書之中數皆五衍之而各極其數以至 面 數四十 爲五 見故 中 M ~ 卷 一十所 矣河圖積數五十五其五十者皆因 五 應 無所為 五其四十者散布於 十數之 + 本義亦以數結言之 數 因 則 者 始 而自 (成也 於 分爲陰陽老少 亦自含五 無所因故虛之則俱爲五 備於 十乘五而亦皆爲五 成則不動 數而并爲五 外而 五. 分陰陽老 之數而其五 其 沿損一 則 知 以

言語錄言是命龜此從古註本義以之發言處事上已 栽 以言者尚其辭程子謂於言求理者則存意於辭其說是 之占 象兩可於慮而欲決其所疑者爲卜筮則尚其吉凶得失 尚辭則淺深詳畧各得其宜尚變則卷舒進退不膠於 南軒謂言無不當與擬之而後言言字同非也問焉而以 制器尚象如取益取夬之類又如六十四卦大象皆尚象 尙辭尙象是觀象玩辭尙變尙占是觀變玩占甚分明 尚其象事有定理也象者變之已定器者動之已成余意 以言者尚其辭窮理也以動者尚其變處事也以制器者 類 制於心而欲事有定理者為制器則尙其陰陽老少 也

於命 事 事 深就心上說幾就事上說理之深聖人皆極之於辭占之 则 业 **閚祖錄寂然不動處而** 乃尙辭之事似較分明但與本義不合 將有爲 四者之 在幽暗之中幽也事有機之所伏深也余意將有爲也 在干里之 下皆尚變尙占之事下傳第二章乃尙象之事第五章 下文不順本義是未定之說也 本是說易不是說 下坊本誤增易字 一此條 也 體所以立而用所以行者也四者指辭變象占 )將有行也不應重 Ţ, . 外百年之久遠也几席之閒朝夕之頃近也 / 经1 三條俱借說 人諸家皆是借來就人 田而以言二 |字語錄亦謂於 昆 上說亦通

通志 節 物以前民用通章發明此句 明於天之道陰陽消息也察於民之故愛惡攻取也興神 合以爲乾坤離坎補四隅之空以爲兌震巽艮此則河 也 唯深辭也唯幾變也通志在知上說知如何爲吉如何爲 中 氏日荀稅漢紀引此作立象成器 齌蔡氏曰立成器以爲天下利立字下當有象字臨 出圖浴出書聖 **也成務在行上說知其為吉而趨之知其爲凶而避之** 理之幾聖人皆研之於象變之際 句 則 心無疑矣定業則事無疑矣以斷天下之疑總承 人則之朱子於啓蒙釋之日析四方之

坤而 離坎分居四實兌震巽艮分居四虛在洛書則乾坤坎離 離而三補東北隅之空以爲震析四九之合則九居西 以爲八卦也又曰四方之正以爲乾坤坎離四隅之偏 畫卦爲乾兒乾居九兒居四也二七少陽之數而畫卦 分居四方兌震巽艮分居四隅冼朱子所釋止於如此其 爲兌雲巽艮此則洛書以爲八卦也又日在河圖 亦畧矣至玉齋胡氏乃詳言之析二七之合則七居南爲 乙數而畫卦爲離震離居三震居八也四九老陽之數而 **万老陰之數而畫卦爲艮坤艮居六坤居** 四補 補西北隅之空以爲艮此則河圖以成八卦也 |補東南隅之空以爲兌析三八之合則八居東爲 西南隅之空以爲巽析 べお 一六之合則六居北爲 奉 一也三八少陰 則乾 坤 為

能 河 巽坎 巽 居 艮此與橫圖圓 有所兼其論雖未盡然然一六三八二七四九之相 九之台以爲乾坤離坎依一二 他有所兼陽主動 以爲朱子語考之語錄文集蓋皆無之大全不加是正 丽 圖浴 又推言之謂陰主靜而守其常故水木各一其象而 因其舊此不 震爲一 主圓圖言洛書主橫圖言以其方位少有不同 可以易也天台董氏本所釋乾寫九而兒爲 書中央之五皆爲五數之象然三同而二 一坎居七也此洛書亦可以爲八卦也據 一坎爲七而巽爲三坤爲六而艮爲四析六七 圖皆有不合不知何所據而鄱陽董氏乃 可以不辨也你另玉齋說卻正相反可以不辨也朱子謂陽不可易而陰 而通其變故金火互通其象而實兩 三四之次以爲兌震巽 異问圖 離 而 配 則

奇數之象下 <del></del>也圖右 以生數爲主故具五 六八者又各因其類以附於奇數之側蓋中者爲主而 之外洛書之一 者為客正者為君而側者為臣亦各有條而不紊也 方之外而六七八九十者又各因五而得數以附于生數 點則天九其所異也河圖之一 主全故極於十而奇偶之位均必論其積實然後見 脈 偶乏也必皆虚其中也然後陰陽之數均於! 而奇乏也洛書主變故極於九而其位與實則皆 耳河圖之虛五與十者太極也奇數一 點地四書右 熟天 三七九亦各居其五象本方之外而二 生數之象洛書以奇數爲主故具 左 點則天七圖上一 點天三中 點天五其所同 吾 熟地一 書 四

ź

之合以爲 也洛書虛其中五則亦太極也奇 以奇偶言 者 亦 易立言卦位按此節潛室陳氏說分明 坤其易之瘟 而易書之變易立乎其中矣朱子日前章易行言造化 坤 四象 兩儀 則亦八卦也 乾坤 也以 其易書之蘊 也四方之正以爲乾坤離坎 四而含九八七六縱橫十 耶乾 離坎補 龙 亦皆以卦言惟林學履錄易不外奇 三四為六七八九者四象也析 坤其易之門耶本義乾坤以卦言 似以兩畫言 四隅之空以為 耶胡雲峯日乾坤是兩畫乾坤成 至進齋徐氏始以陽聖 偶各居二  $\overline{\mathbf{H}}$ 四隅之偏以爲 而互爲七八九 免震巽艮 一十則 者 亦 兩儀 四 排

為乾陰畫為坤項氏吳氏雲峯胡氏皆同節齋又以卦變 也 本 損先難而後易當以西山說為確正與懲忿窒慾以修身 吳氏謂重卦之名立於文王因别爲 此記者之誤雲峯以文王序卦爲說自爲 稱名本義以卦爻之義釋之學蒙錄專指卦名與本義異 本義幽贊神明聖人之贊神明語錄聖人為神明所贊以 只當與下面立卦立字生灸生字同例看所謂生蓍者 生蓍按本義引龜莢傳蓍生滿百莖爲證某謂生字似 文語脈求之語錄爲得大全據會通傳義删淵兩條 相台語錄引子產事此一時之言或記者之誤也 人、皆一 解與本義異 至 解愈非是矣 非

其所據也含傳義本 出這物一條亦本之會通注淵錄考語錄易說皆無之 答潘子善問語亦小有異又能贊化育和氣充塞所以能 所生不 錄載淵錄兩條皆與本義異會通所載必非淵錄亦未詳 厚非 也六子之 立落而生之耳未知是否日卦灸是人所畫著是天地 以動之八句只以卦位相對而言節齋謂生長收藏 此條本之會通末注易說考易說無之朱子大全集 **氏說為得之** 索而得男節本義解與啓蒙不同朱子蓋兩存之語 可作 兩說與啓紫亦異當從啓蒙圖說乃有文王八卦 為皆乾坤之用而僅以乾坤爲藏物可 例說兼以立蓍而用之爲生蓍亦不成文

						錄有文王次序之說蓋後人所記此僞託者所本	次序之目此本義啓蒙所無有而以爲出於朱子四
					, ,		丁過矣語